

## Kungentekani uma ngabe i-Afidavithi Yekuvikeleka yephulwa?

Uma ngabe loMmangalelwa wephula le-Afidavithi Yekuvikeleka ngekuphindza ahlukumete ngekwemtimba nobe ngekwemagama kuwe ngendlela lechaziwe ekucaleni kwalencwajana lechazako, ungafaka sikhalo esiteshini semaphoyisa uphindze unikete i-Afidavithi Yekubopha ephoyiseni bese libopha uMmangalelwa.



Lesincumo sekusebentisa le-Afidavithi Yekubopha emva kwekuphulwa kwale-Afidavithi **sakho ngalokuphelele**. Uma sekuboshiwe, loMmangalelwa utawubukana nemacala ebugebengu aphindze ashushiswe eNkantolo Yebugebengu ngekwephula i-Afidavithi Yekuvikeleka.

Khumbula, kwekutsi, uma iNkantolo ingatfoli kwekutsi **le-Afidavithi Yekubopha isetjentiswe ngalokungekho kahle** (kwenta kwekutsi uMmangalelwa aboshwe ngaphandle kwelicala), ngaloko **ungashushiswa** yekuya kwaloMtsetfo.



Lommangalelwa utawuvele eNkantolo yeBugebengu kutsi ashushiswa ngaphansi Kwemacala eBugebengu ngekwephula ngekuya kwemtsetfo we-Afidavithi yekuvikeleka laniketwe yona.

## Angahociswa yini Lamacala Ebugebengu?

Lapho ummangalelwa sekaboshiwe ngekwephula Le-Afidavithi Yekuvikeleka, ummangali Angete akwati kutsatsa sincumo sekuhocisa lamacala. Umshushisi weMphakatsi Lomkhulu uneligunya lekuhlehlisa lamacala.

## Ngingayibeka eceleni Le-Afidavithi?

Ungakhona, nobe ngusiphi sikhatsi, kufaka sicelo sekutsi Le-Afidavithi ibekwe eceleni. Kungenteka ngeligunya laMantji kwekutsi ingabekwa eceleni Le-Afidavithi nobe cha. Loku kutawuchaza kwekutsi Le-Afidavithi Yekuvikeleka itakutsatfwa njengalengasebenti.

**Kubalulekile kwekutsi wati kutsi eNkantolo yeMtsetfo, kutsi sincumo saMantji sekugcina sekutsi Le-Afidavithi Yekuvikeleka ingabekwa eceleni.**

Uma udzinga lolunye lwati, ngicela ushaye le labalandzelako:

Bulungiswa beBantwana; iMfundvo yeMphakatsi Netinsita Tekuchumana  
Litiko letebulungiswa Nekuutfukiswa Kwemtsetfosisekelo  
Licingo: 012 315 1111  
Ifeksi: 012 315 1851/1810

## KUCEDZA BUDLOVA BASEMAKHAYA



## Lekufanele kutsi ukwati!

## Kucedza Budlova Basemakhaya!

**Umtsetfo Webudlova Basemakhaya** 116 wanga-1998 uvumela umuntu lohlukunyetwe ekhaya nobe ngekwwebudlova kwekutsi **atfole iNcwadzi Yekuvikeleka** eNkantolo ya-Mantji kumuntu **lomhlukumetile**. Lenjongo yaleseluleko ibuke kwekutsi **inikete lomuntu lohlukunyetiwe lwati** lwekutsi kudzingeke kutsi aniketa ngesicelo seAfidavithi yekuvikeleka ngekuya ngekwwebudlova Basemakhaya. Bobabili **labadvuna nalabasikati bangatfolakala banelicala** webudlova Basemakhaya, futsi bangaphindze babe bahlukunyetwa beBudlova Basemakhaya. Ngalenjongo yaleSeluleko ngaloko, sifanekise **budlova kulabasikati** njengentfo **levame kwenteka**.

1. lomuntu loshade naye, ngekwelisiko nobe ngekwemtsetfo;
2. umlingani wakho (webulili bunye nobe lobungafani) lohlala nobe lobekahlala nawe, nobe beningakashadi nobe beningafuni kushadana (uma ngabe, sibonelo, lomunye wenu bekasashadile);
3. lomunye umtali walomntfwana wakho nobe bantfu labancedzisana nawe ekukhuliseni lomntfwana;
4. bantfu labahlobene nawe ngekwengati, ngekwemshado nobe ngekusiswa;
5. lomuntu lebewutsembisene naye kushadana, ngekwemasiko nobe ngekwebungani, lokufaka ekhatsi kuvana cobo nobe kwekucala, budlelwane bamacansi nobe lobusondzelene kakhulu nobe ngabe kwesikhatsi lesinganani;
6. umuntu lohlala naye nobe lochedza kuhlala naye endlini yinye.

## TINOMBOLO LETIBALULEKILE

Bantfu Labaphikisana Nekuhlukunyetwa Kwalabasikati (POWA)	011 642 4345
Kucedza Kuhlukunyetwa Kwalabasikati	0800 150 150
I-Adapt	011 885 3332
Luchungechunge LweBudlova Basemakhaya	012 321 4959
I-NICRO (Kuvikela Bugebengu)	011 403 2953
IKhomishini Yemalungelo eLuntu eNingizimu Afrika	011 484 8300
I-Childline	011 938 8745
I-FAMSA yaVelonkhe	011 833 2057
I-LIFELINE	011 728 1347/ 0861 322 322
IKhomishini Yekulingana Ngekwwebulili (CGE)	011 403 7182
Luphiko Lwetikhalo Lolutimele (ICD)	012 320 0431
Emaphoyisa Avelonkhe	10111

Loludzaba lungahlelilelwa kulelinye lilanga lekulalelwa enkantolo. Mabhalane weNkantolo utakuncedzisa nobe akutfumele kulomunye lotakusita ngekubhala imphendvulo yakho.

Ngelilanga lekulalela licala lakho iMantji itawuzama kutsatsa sincumo ngekuya ngema-Afidavithi lafakwe ngemacembu lamabili. Imantji itawubuta munye nobe nobabili kutsi nichaze ngetinfo letitsite. Imantji ingatsatsa sincumo sekucinisekisa i-Afidavithi, ibeke eceleni i-Afidavithi nobe incume kwekutsi bufakazi bukhulunye ngenlomo.

Uma ngabe uMmangalelwa ehluke kuvela ekulalelweni lokusemtsetfweni futsi unebufakazi bekutsi i-Afidavithi Yekuvikeleka wayitfolo (Return of Service), iMantji itawucinisekisa le-Afidavithi.



Uma ngabe iMantji yenetisekile kwekutsi le-Afidavithi lebhawle ngummangali ichaza ngalokugcwele kutsi kuhlukunyetwa kwenteka, iMantji itawucinisekisa le-Afidavithi Yekuvikeleka.

## Ngabe kutakuba khona kutsetfwa kwelicala?

Uma iMantji ingakhoni kutsatsa sincumo ngalesikhatsi kulalelwa licala ngenca yekutsi kukhona kuphambana kwemaciniso emkhatsini kwembono wakho kanye naweMmangalelwa, uma ngabe kunephikisana kulobufakazi lobuniketwa ngulamacembu lamabili, iMantji itawuhlehlisa loludzaba Lokutsetfwa kwelicala.

Ekutsetfweni kwelicala, lamacembu lamabili atawudzingeka kwekutsi anikete bufakazi ngekufunga futsi bafakwa imibuto ngulelinye licembu. Lamacembu lamabili atawukhona kubita bofakazi futsi baletse lobunye bufakazi lobutabenta kwekutsi bachaze licala labo, sibonelo, i-Afidavithi yetekulashwa, emarekhodi asesibhedlela, tiifombe, ti-Afidavithi nalokunye.



Khumbula kwekutsi ngekweMtsetfo, liphoyisa kumele kutsi likusite nganobe ngayiphi indlela lebhalwe e-Afidavithi Yekuvikeleka, sibonelo ngekulandvwa kwetinfo letingetakho, matisi wakho, ti-Afidavithi tebantfwana nobe timphahla, nalokunye. Uma ngabe utfola kwekutsi leliphoyisa alikusiti nobe likwalela kukulalela ngekuya kwale-Afidavithi, ungafaka sikhalo kuLuphiko Lwetikhalo Lolutimele.

Kumele wati kwekutsi **akusiwo umsebenti weliphoyisa** kutsi likusite **ekutfutseni timphahla takho, ikhompyutha, lokubunjiwe, nalokunye.**

### Angaboshwa yini uMmangalelwa nge-Afidavithi Yekuvikeleka?

Angete waboshwa uMmangalelwa nge-Afidavithi Yekuvikeleka. Loko kungenteka uma ngabe uMmangalelwa aphula imiyalelo yale-Afidavithi.

### Ngabe yini kwepulwa kwe-Afidavithi Yekuvikeleka?

Nguloko lokwenteka uma ngabe uMmangalelwa ahluleka kulandzela lemiyalelo ye-Afidavithi, ngalamanye emagama uphindza lokutiphatsa lokuhlukumetako loku, ngekuya ngekwe-Afidavithi Yekuvikeleka leniketiwe, walelwe kwekutsi angachubeki.

### Ngabe yini kwedzelela iNkantolo?

Nguloko lokwenteka uma uMmangalelwa aphula le-Afidavithi, wehlulekile kuvela eNkantolo yeBugebengu kute aphenzvule emacala labukene nawo.

### Yini lekumele ngiyente nge-Return of Service?

Uyawudzingeke kwekutsi unikete Mabhalane weNkantolo i-return of service ye-Afidavithi yekuVikeleka ngekushesha. Lapho Mabhalane sekatfole le-Afidavithi, iNkantolo itawukhipha i-Afidavithi yekutsi kuboshwe uMmangalelwa. Le-Afidavithi yekubopha **ingasetjentiswa kuphela** kuMmangalelwa uma ngabe atawutfolakala aphula umtsetfo we-Afidavithi Yekuvikeleka esikhatsini lesitako.

### Ngabe yini lilanga Lekubuyela enkhantolo?

Lilanga lekubuyela enkhantolo lilanga lelibekiwe leliniketa iNkantolo litfuba lekulalela uMmangalelwa ngaphambi kwekutsi i-Afidavithi Yekuvikeleka icinisekisiwe.

### Ngabe yini leyentekako ngelilanga Lekubuyela enkantolo?

Ngaphambi kweMmangali, uMmangalelwa utfola litfuba lekutsi achaze indzaba yakhe ngaphambi kweMantji. Ummangalelwa uyawufaka i-Afidavithi lephikisako nobe acele litfuba lekufaka i-Afidavithi lephikisako. Lamaphepha ayawuniketwa wena. Uyawunikwa litfuba lekutsi ufake imphendvulo yakho.



- kuhlumeta ngekweMtsetfo



- kuhlupha



- kuhlukumeta ngekweMacansi



- kukhokhoba nobe kungena endzaweni ngaphandle kwemvumo, lapho unghalali khona



- kuhlukumeta ngekweMagama



- kucikela phansi imphahla nobe letinye tinfo takho



- kuhlukumeta ngekweMnotfo



- lokunye kutiphatsa lokukahle nobe lokungasikahle lapho lokutiphatsa kwakho kulimata nobe kungaholela ekulimaleni Kwekuvikela, nasemphilweni yakho nobe yemndeni wakho



- kwesabisa

Bobabili **labadvuna nalabasikati bangatfolakala banelicala** leBudlova Basemakhaya, futsi bangaphindze babe bahlukunyetwa beBudlova Basemakhaya.

## Ngabe kuyini lekumele kutsi ngikwente?

Uma ngabe utiva kutsi ungomunye lohlukunyetiwe nobe ngabe nguluphi luhlobo lwebudlova basemakhaya lobuniketwe ngetulu, yani eNkantolo yaMantji yenzawo ucele luncedvo ekuniketeni i-Afidavithi Yekuvikeleka. Mabhalane Wenkantolo utakuncedza ekugcwaliseni emafomu lefanelekile aphindze akuyise kuMantji lotawuncuma kwekutsi angakunika i-Afidavithi nobe cha. Imininingwane yalabo labaniketa ngelusito yalotakukululeka futsi akusite ngalokucodzene naloku kuyatfolakala ekucaleni kwaleSeluleko.



**Khumbula kwekutsi etimeni letibucayi, lolusito luyatfolakala ema-awa langu-24 ngelilanga.**



Mabhalane weNkantolo utakusita ekugcwaliseni emafomu lafanelekile aphindze akuyise kuMantji.



## Nguyiphi iNkantolo lekumele ngiye kuyo?

Condza eNkantolo lesedvute nalapho uhlala nobe usebenta khona. Uma ngabe uphokelekile kutsi ushiye indzawo lapho uhlala khona ngendzaba yebudlova kodwa uhlala kulenye indzawo kwesikhashana, ungacondza eNkantolo ledvute nalenzawo yakho yesikhashana

## Ngabe iyini i-Afidavithi?

I-Afidavithi isitatimende lesentiwe ngekufunga. Loku kuchaza kwekutsi lomuntu lo-wenta lesitatimende ufungile kute akhulume liciniso kantsi futsi uyati kwekutsi angashushiswa uma kungatfolakala kwekutsi loko lokusekhatsi (nobe incenye yako) kwale-Afidavithi Lefungelwe kungemanga. Kulicala eNkantolo yeMtsetfo kwenta sitatimende lesingemanga.

## Ngabe le-Afidavithi Yekuvikeleka Yesikhashana itawutsini?

- Le-Afidavithi Yekuvikeleka yesikhashana iyawucela ummangalelwa (lomuntu lohlukumetile) kwekutsi angakuhlukumeti ngendlela letsite lese-Afidavithini yakho lefungelwe.
- Ummangalelwa uyawuphokelelwa kwekutsi angakuhlukumeti ngekwenimba nobe ngekwenagama nobe bantfwana.
- Kumacala lamakhulu, iMantji ingabona kufanele kutsi ingatjela ummangalelwa kutsi aphume lapho nihlala naye khona nobe amtjele kwekutsi akumele atfolakale endzaweni letsite yalenzawo lenihlala naye khona.
- Uma ngabe labantfwana kungibo labahlukunyetiwe, iNkantolo itawuphokelela kwekutsi lomangalelwa akabonani nobe ubonana ngalokukaliwe nalabantfwana.
- Inkantolo ingafaka umyalelo wekuffola lusito lwezimali loluphuffumako. Loku kuchaza kwekutsi uma ufuna kufaka sicelo setekwelashwa nobe tindleko tekulala letivele ngco ngenca yekuhlukunyetwa, kumele uletse bufakazi baletindleko lohlangabetane nato futsi ucele iNkantolo kutsi ibuyekete lesicelo.
- Inkantolo itawuphokelela amaphoyisa kutsi atsatsa lesibhamu seMmangalelwa uma ngabe esabise ngemphilo yakho.

Kute yemukela ngalokugcwele loluhlobo lwehlukunyetwa leletsite lohlangabetana nalo, **iNkantolo yetsembele kule-Afidavithi leFungelwe loyibhale ngalesikhatsi ufaka ngaso sicelo.** Kumele uphindze unikete iNkantolo ngelwati lonkhe lelifanele leliku-Afidavithi, sibonelo, imininingwane yetehlakalo tekuhlukunyetwa, lilanga kanye nenzawo kanye neluhlobo lwesihlakalo sekugcina.

Angeke **ukhone kufaka sicelo semali yesondlo eNkantolo Yebudlova Basemakhaya.** Loku kumele kwentiwe **kuNkantolo Yesondlo.**

## Yini lengingayenta nge-Afidavithi Yekuvikeleka yesikhashana?

I-Afidavithi Yekuvikeleka yesikhashana kumele iniketwe ummangalelwa (lomuntu lohlukumetile) ngekushesha. Angeke ukhone kwekutsi umnikete wena matfupha le-Afidavithi ummangalelwa njengobe loku kuyobukeka ngatsi akukho emtsetfweni. Ngalamanye magama, ekuniketeni kwale-Afidavithi Yekuvikeleka yesikhashana kungumsebenzi walomunye loselizingeni lasemtsetfweni njengeLiphoyisa.

Kumele utsatse le-Afidavithi Yekuvikeleka yesikhashana eHhovisi laMabhalane weNkantolo yeMajaji nobe esiteshini semaphoyisa lesidvute nalapho ummangalelwa ahlala khona nobe lapho asebenta khona. Esiteshini semaphoyisa, **ngicela ukhumbule kubhala phansi ligama nobe inombolo yembeji yaleliphoyisa lolinika le-Afidavithi.** Loku kukwenta kutsi ukhone kulandzelela le-Afidavithi esikhatsini lesitako. Titeshi temaphoyiya letinyenti tinetiphatsimandla letikhetsiwe letisebenta ngemacala eBudlova Basemakhaya.



Khulumisana neliphoyisa kute ulandze i-Return of Service (Bufakazi Bekutfo la-Afidavithi Yekuvikeleka). Loku kufakazela kutsi le-Afidavithi Yekuvikeleka yesikhashana uyitfolile loMmangalelwa kanye nekutsi bayitfolile nabo. Ungalungisi neliphoyisa kutsi lihambise nobe lipose le-Return of Service eNkantolo njengobe loku kuvame kuphuta futsi akukavami kwekutsi kufike eNkantolo ngaphambi kwelusuku lekubuyisa.